

GABRIEL (GABY) KELLY OTRO GRAN FUTBOLISTA ARUBANO A FALLECE

ORANJESTAD (AAN): Un di e noticianan di fin di 1992 cu verdaderamente a con-

move nos dia 31 di december den oranan di mainta, tabata e triste noticia di e



fallecimiento di Gabriel Kelly (Gaby), un di e luchadornan di e tricolornan, hungador y miembro di RCA/Inter.

Gabriel Kelly (manera semper nos ta yamé Gaby for di chikito e tabata un di e figuranan popular den RCA, tanto como hungador y miembro di directiva di RCA y INTER.

Semper ela luci cu e camiseta tricolor di RCA, despues di a inicia su carrera futbolistico den e team di antes (farm team) ARSENAL for di cual a produci hopi di e streanan tanto di RCA como di nos seleccionnan defendiendo e honor y color di nos deporte rey.

Gabriel ta uno den e seleccion di Aruba cu a enfrenta

Feyenoord na Corsow na 1946, durante e torneo di CVB su di 25 aniversario den Stadion di Rif, hunto cu hopi di e grandinan cu a bai laga nos, pero cu semper lo ser recorda.

Semper e tabatin e palabra "E bala por pasami, pero abo no" sin wega brusco intencional y sin haya carchi, su posicion semper tabata den e parti defensiva, esta links-half y back central.

Na 1967 e veteranonan di RCA a lanta INTER, pa cu asina tene e curpa den condicion. E directiva di e tempo ey a consisti di Cai Helder q.e.p.d. presidente. Cai tambe a cuminsa den Arsenal, hunto Fa Aponte (q.e.p.d.) Wechi Tromp cu ta na Corsow, Doei Tromp, Juchi Jansen, Fenchi Jansen, Rey (Kid Carpentier) Chommi Lacle, Janchi Tromp, y otro. Un di e factornan cu e tricolornan por a conquista e titulo mundial diez anja sigui, den forma consecutivo, tabata semper di a mantene un team di reserve y di caliber manera Arsenal.

**CHOFER DI
AUTO ARMA
CU PIEK**

ORANJESTAD (AAN): Un Patruya cu a pasa den Madiki Kavel a nota un auto para mey mey di caminda.

No tabata tin chofer den e auto y e motor tabata sendi. Informe cu e Agentenan a ricibi na e sitio, tabata indica cu e chofer lo a baha cu un piek den su man y a bay direccion di un bar.

Segun e informe e homber tabata tin mal intencion cu e arma. Polis a logra di haya e homber na altura di un bar.

E homber no tabata por a duna motibo pakico e ta cana arma cu e piek.

Otro miembronan di e directiva di INTER Gaby Kelly (q.e.p.d.) vice-presidente y Maiky Vingal, secretario.

Durante Gabriel Kelly (Gaby) ela forma parti di e oncena tricolor bishitando paisnan manera Guatemala, Guyana, Colombia, Surinam, Venezuela, Haiti, Brasil, y nos hermana isla Corsow y otro.

Na 1950 e team nacional di Aruba (AVB) a consisti di 9 hungador di RCA di cual Gabriel a forma parti.

Palabra di condolencia di tur su amigonan y henter e tricolornan RCA y INTER ta bai pa su esposa, yiunan y demas familia, y pa nan semper Gaby mescos cu e otro cu tabata gloria di nos futbol lo sigi biba den memoria di esnan cu a keda atras, y cu Gaby Sosega Na Paz!

Directiva di A.S.V. Racing Club Aruba (RCA) y Directiva di S.V. Inter, kier a recorda tur nan hungadornan pa asisti na acto di entierro di Sr. Gabriel Kelly, awe dialuna pa 4' or di atardi, saliendo for di misa Fatima na Dakota.

Directiva di S.V. Inter ta pidi tur su miembronan pa ta na club RCA pa 3' or di atardi pa asina sali pa misa Fatima na Dakota.